


Amaloota Gabroota Ar-Rahmaan-Kutaa 6

Description

Kutaa darbe keessatti amaloota gabroota Ar-Rahmaan keessaa badiiwwan gurguddaa irraa fagaatan ilaalle jirra. Aayan armaan gadi immoo badii gurguddaa fi xixiqaa hundarraa fi wanta faaydi hin qabne irraa akka fagaatan ibsuun wanta darbe nuuf guduunfite.



â€œIsaan kanneen Az-Zuur ragaa hin baanee fi yommuu Al-Laghw biraan darban kabajaan darbaniidha.â€• Suuratu Al-Furqaan 25:72

Aayah tana sirritti hubachuuf hiika jechoota, â€œshahida, az-zuur fi al-laghwaâ€• jedhan sirritti beeku qabna.

Akka lugaa Arabifaatti hiika â€œshahidaâ€• keessaa tokko â€œargamuâ€• dha. Fkn, akkana ni jedhama:â€œShahida al-majlisaâ€• Kana jechuun â€œInni iddoo wal-gahiitti argame (He attended meeting place)â€•

Ammas hiikni biraa, â€œShahidaâ€• jedhu oduu irraa wanti inni dhiyeessu dhugaa akka taâ€™TMe beeksisuudha. Hiika kana gara Afaan Oromootti yommuu deebisnu, â€œRagaa bahuuâ€• jennaan. Kanaafu, hiikota shahida jedhu keessaa, â€œArgameâ€• fi â€œRagaa baheâ€• kan jedhaniidha.

â€œAz-Zuurâ€• jechuun baaxila (soba), kijiba, ragaa sobaati. Tarii hundeen â€œaz-zuurâ€• â€œAl-Izwiraarâ€• kan jedhu irraayyi taâ€™TMa. â€œAl-Izwiraar jechuun wanta tokko irraa dabuu fi maquudha. Kijibni, baaxilli fi ragaan sobaa hundi karaa haqaa irraa kanneen dabaniidha.

Hiika jalqabaa â€œshahidaâ€• (argame) jedhu irratti hundaaâ€™TMe jechii Rabbii oltaâ€™TMaa â€œWallaziina laa yash-haduuna-zzuurâ€• jedhu, hiikni isaa akkana taâ€™TMa: Amaloota gabroota Ar-Rahmaan keessaa, iddoo baaxilli, kijibni fi badiin itti raawwatamu kan warri shirkii fi jallinnaa itti wal gahanitti hin argaman. Gabroonni Ar-Rahmaan osoo achitti waliin hirmaatu baataniyyuu, achitti argamuu fi ilaalu irraa ni fagaatu. Sababni isaas, achitti argamuun qofti maâ€™TMasiyaa (badii) dha.

Hiika lamaaffaa â€œShahida (ragaa bahe)â€• jedhu irratti hundaaâ€™TMe hiikni aayah: amaloota gabroota Ar-Rahmaan keessaa, ragaa isaanii keessatti wanta beekan malee hin beeksisan. â€œKuni dhugaa beeknuâ€• jedhanii odeessun, sobaan ragaa hin bahan.[\[1\]](#) Hiikni lamaan armaan olii wanti wal faallessu isaan keessa waan hin jirreef kan wal jabeessaniidha.

Armaan olitti jecha baaxila jedhu kaasne turre. Baaxila jechuun faallaa haqaa kan taâ€™TMee fi wanta dhaabbata hin qabneedha. Fkn, shirkiin baaxila. â€œHojii baaxilaaâ€• ni jedhama. Kana jechuun, â€œHojii kasaaraa faaydan keessa hin jirre.â€•[\[2\]](#)

Hiikota armaan oli irraa kaane, Gabroonni Ar-Rahmaan iddoo wal-gahii dubbii dhoowwamaa ykn hojii dhoowwamaa of keessaa qabu hundarraa ni fagaatu. Iddoo namoonni wal gahanii ykn wal-qunnamanii sobaan itti wal morman, wal-hamatan, jette jettee odeessan, wal-arrabsan, maqaa xureessan, itti qoosan, itti sirban, farsoo dhugan, filmii ilaalanii fi kkf itti hojjatanitti hin argaman.[3] Wantoota baaxilaa fi kijibaa kanniin irratti kan hin argamne erga taâ€™TManii, sobaan ragaa hin bahanii jechuudha.

Ragaan sobaa jireenya namaa keessatti kijiba irraa gocha garmalee fokkuu taâ€™TMee fi miidhaa guddaa fiduu taâ€™TMee osoo jiruu, akkamitti gabroonni Ar-Rahmaan ragaa sobaa bahuu? Hundemaa, ragaa bahuu keessatti nama haqaatiif deeggaraa taâ€™TMuu, haqummaa gadi dhaabu fi yakkamtoota nama miidhan irratti murteessuf gargaaraa taâ€™TMuudha. Ragaan itti-gaafatamummaa isaa irraa jijjiramuun sobaaf deeggaraa fi abbaan murtii haqaan ala sobaan murteessun murtii kan jallisuu yoo taâ€™TMee, yeroo tokko keessatti yakka gurguddaa lama of keessatti hammata:

Yakka 1ffaa“ Ragaan itti gaafatamummaa uumamaa isaa bahuu dhiisu. Kana jechuun dhugaadhaan ragaa bahuun osoo namarra jiru sobaan ragaa bahuudha. Gama kanaan, ragaa dhoksuu irra haalli kuni irra badaadha.

Yakka 2ffaa-Ragaa sobaa kana fudhachuun mirgi fi haqni sarbamu, namoonni qulqulluun miidhamu, gabroota Rabbii irratti daangaa darbuu fi isaan miidhuuf itti gargaaramuudha. Fakkeenyaaf, abbaan murtii haqaan murteessun osoo isarra jiruu, fedhii lubbuu hordofuun ykn addunyaa irraa faaydaa xiqqoo barbaadun ykn firummaaf dhimmamuun haqa malee murteessa, zaalima ni gargaara, irree nama daangaa darbee ni jabeesa.

Osoo yakka kanniin lamaan of keessaa akka qabu hubatamu baateyyuu ragaan sobaa kijiba uumameedha. Warroota hin amannee malee eenyullee kijiba akka hin uumne Rabbiin subhaanahu wa taâ€™TMaalaa ibse jira:

إِنَّمَا يَفْتَرِي الْكَذِبَ الَّذِينَ لَا يُؤْمِنُونَ بِآيَاتِ اللَّهِ وَأُولَئِكَ هُمُ الْكَاذِبُونَ

“Kijiba kan uumu keeyyattoota Rabbitti kanneen hin amannee qofaadha. Warri suni isaanumatu kijibdoota.” Suuratu An-Nahl 16:105

Kana jechuun kan kijiba uumuu fi sobuu namoota ragaalee fi beeksisa Rabbiitti hin amanneedha. Sababni isaas, dhugaa dubbachuu isaanitiif mindaa hin kajeelan, kijiba dubbachuu isaanitiif adabbii hin sodaatan. Isaan warra kijiba uumaniidha.[4] Aayan tuni akkuma agarsiistu, kijiba namoota hin amanne irratti gabaabse. Kijiba kan uumu warroota hin amanne qofa. Gosoota kijibaa keessaa hundarra fokkuu kan taâ€™TMee, Rabbii oltaâ€™TMaa irratti kijiba uumuu fi ragaa sobaa bahuudha.

Ragaa sobaa irraa akeekachisuu ilaalchisee Abu Bakrah irraa Al-Bukhaari fi Muslim akkana jechuun gabaasanii jiru: Ergamaan Rabbii (SAW) akkana jedhan:

“Badiwwan gurguddaa keessaa hundarra badaa kan taâ€™TMee isinitti himuu?”• Nutis ni jenne,

â€œEeyyen Yaa Ergamaa Rabbi!â€• Nabiyyiin (SAW) ni jedhan: â€œRabbitti waa qindeessu (shirkii), haadha abbaaf ajajamuu diduu fi tola oolu dhiisu, ragaa sobaa yookiin dubbii sobaati.â€• Ergamaan Rabbi (SAW) hirkatanii turan. Ergasii ol jedhe taaâ€™un â€œRagaa sobaaâ€• irra deddeebiâ€™u hin dhiisne hanga osoo calâ€™isee maal qaba jennuutti.â€• [Sahiih Muslim 87](#), [Sahiih Al-Bukhaari 6919](#)

Rabbiin subhaanahu wa taâ€™aalaa ni jedha:

﴿فَاجْتَنِبُوا الرِّجْسَ مِنَ الْأَوْثَنِ وَاجْتَنِبُوا قَوْلَ الزُّورِ﴾

â€œXurii taabotaa irraa fagaadhaa, dubbii sobaa irraayis fagaadhaa.â€• Suuratu Al-Hajj 22:30 Taabota fi uumamtoota biroo gabbaruun (waaqefachuun) xurii hundarra badaa qalbii namaa xureessudha. Dubbiin sobaas dubbii hundarra fokkuu taâ€™eedha. Kanaafu, kana hundarraa fagaadhaa.

Gabaabumatti, gabroonni Ar-Rahmaan hojii fi dubbii sobaa keessatti hin hirmaatan, akkasumas, ragaa sobaa hin bahan. Isaan warra â€œyommuu **Al-Laghw biraan darban kabajaan darbaniidha.**â€•

Akka lugaatti, â€œ**Al-Laghw**â€• jechuun addunyaatti ykn Aakhiratti faaydan isarraa waan hin argamneef wanta haaqamuu fi dhiifamuu qabu hunda.[5] Gabaabumatti, al-laghw jechuun dubbii ykn hojii qullaa faaydaa fi kheeyrin keessa hin jirreedha. Kan akka dubbii namoota gowwaa, waaâ€™ee wal-qunnamti foonii dhiiraa fi dubartii jidduutti adeemsifamu ilaalchisee jecha ifaatin dubbachuu, mushrikoonni wanta gabbaran ol guddisanii dubbachuu, sirba dhageefachu fi kkf laghw irraayyi.[6]

Gabroonni Ar-Rahmaan dubbii qullaa faaydaa hin qabnetti yoo tasa dhufan ykn itti dhiyaatan, kabajaan bira darbu. â€œKabajaan darbuuâ€• jechuun nafsee ofii dubbii qullaa faayda hin qabne irraa fageessu, itti lixu irraa nafsee ofii ni kabaju. Osoo itti lixuun cubbuu taâ€™uu baateyyuu, wanta faaydi hin qabne dubbachuun ykn hojjachuun gowwummaa akka taâ€™e fi, namummaa fi dhiirummaaf hanqinna akka taâ€™etti ilaalu. Kanaafu, nafsee ofii kanarraa ol fageessu.[7]

Gabroonni Ar-Rahmaan gatii yeroo ni hubatu. Jireenya tana keessatti yeroon isaan irra darbu mataa qabeenya isaanii akka taâ€™e ni beeku. Yeroo isaanii wanta faaydan keessa hin jirree (al-laghw) keessatti akka gubattuuf yoo hayyaman, hamma al-laghw keessatti baasaniin mataa qabeenya isaanii bittineessanii ykn balleessanii jiru. Kasaaran kana keessatti kasaaran gonkuma akka bakka hin buufamne ni beeku. Isaan gamnootaa fi warra beekumsa qaban waan taâ€™aniif, kasaaraa bakka hin buufamne kana akka hin kasaarre garmalee tattaafatu. Sababni isaas, umriin daangefamaadha. Namni hojii isa jala darbe hojjachuuf osoo umriin isaa akka tursifamuu hanga fedhe barbaade, gonkumaa hin tursiifamu osoo saâ€™aati takkallee taateyyu. Duâ€™aan booda hojii gaarii hojjachuuf akka deebifamuu yoo kadhates, kadhaan isaa fudhatama hin argatu. Inuma ni waqqafama.

Kanaafi,ilmi namaa kasaara keessa akka jiru agarsiisuuf Rabbiin azza wa jalla yeroon kakate. Namni bakkuma argetti yeroo isaa bittinneessun akkuma yeroon isa irra darbuun kasaaraa keessatti mucucaata. Garuu Rabbiin subhaanahu wa taâ€™aalaa warroota kasaran irraa namoota amanan, hojii gaggaarii hojjatan, haqaa fi obsa waliif dhaaman adda baase. Sababni isaas, warroonni kasaaraa jalaa bahan kunniin warroota umrii isaanii daldala buâ€™aa guddaa buusu Rabbi oltaâ€™aa waliin daldaalu irratti

fokkuu fi kijiba keessatti hin hirmaatan, akkasumas, ragaa sobaa hin bahan. Hojii badaa, kijibaa fi ragaa sobaa irraa fagaachun isaanii waa sadii irraa isaan tiiksa: Adabbii, salphinnaa fi yeroo gubuu. ÆAmmas gabroonni Ar-Rahmaan wanta faaydi hin qabne biraan kabajaan darbu. Kana jechuun yommuu tasa wanta faaydi hin qabnetti dhufan nafsee ofii kabajanii bira darbu. Yoo dandaæ™an namoota ni gorsu. Yoo dadhaban immoo irraa garagalanii deemu. Haala kanaan, yeroo isaanii bakka hin taanetti gubuu irraa eegu.

ÆGabroonni Ar-Rahmaan sirba (muuziqaa) hin dhageefatan ykn iddoo sirbaatti hin argaman. Sababni isaas, sirbii takkaa hojii baaxilaa badiitti nama geessu taæ™a, takkaa immoo dubbii qullaa faaydan keessa hin jirree taæ™a. Gabroonni Ar-Rahmaan baaxilaa fi kijiba irratti waan hin argamneef ammas, wanta faayda hin qabne biraan kabajaan waan darbaniif sirba hin dhageefatan ykn iddoo isaatti hin argaman.

ÆAmmas gabroonni Ar-Rahmaan fiilmi fi moovi dubartii fi dhiira makate hin ilaalan. Sababni isaas, fiilmi fi moovin kunniin baaxila hojii fokkuu akka shirkii, sagaagalummaa fi ajjeechaatti nama geessaniidha. Akkasumas, hojii fi dubbii faaydan keessa hin jirreedha. Namni fiilmi fi moovi warra dhiyaa, hindoota, turkoota, araboota fi kan biroo halkanii guyyaa ilaalu faaydan inni argatuu maaliidhaa? Gabroonni Ar-Rahmaan wanta baaxilaa (sobaa) ilaalu irratti yeroo isaanii qaali hin guban.

ÆAmmas, gabroonni Ar-Rahmaan nama hamachuu irratti yeroo ofii hin dabarsan. Sababni isaas, nama hamachuun az-zuur waan taæ™eef badittii isaan kuffisa.

ÆGabaabumatti gabroonni Ar-Rahmaan umriin isaaniif kenname gabaaba taæ™uu waan beekaniif Aakhiratti mindaa guddaan milkaaæ™uu fi adabbii jalaa bahuuf: hojii badaa, kijibaa fi ragaa sobaa irraa ni fagaatu. Yeroo isaanii wanta faayda hin qabne irratti hin balleessan. Kana irra, takkaa addunyaatti hojii isaan fayyadu, takkaa immoo Aakhiratti hojii isaan fayyadu hojjatu.

Kitaabban wabii:

[1] Maæ™aariju Tafakkuri wa daqaaæ™iqu tadabburi -6/648

[2] <https://www.almaany.com/ar/dict/ar-ar/%D8%A8%D8%A7%D8%B7%D9%84/>

[3] Tafsiir Saæ™dii-687

[4] Tafsiiru Xabarii-14/371

[5] Maæ™aariju Tafakkuri wa daqaaæ™iqu tadabburi -6/652,

[6] Tafsiiru saæ™dii-fuula 687, Tafsiiru Xabarii-17/525

[7] Tafsiiru Saæ™dii-fuula 687

[8] Maæ™aariju Tafakkuri wa daqaaæ™iqu tadabburi-6/652-654

Tafsiiru Quræ™aanil Kariim, Suuratu Furqaan, fuula 315, Muhammad bin Saalih Useymiin

Date Created

November 12, 2019

Author

admin